

XXI

Allas ! nag a boaniou,  
 'Goez varnomp bepred,  
 Blonset eo kalonou,  
 Kals a dud er bed !      Laudate.

XXII

Nag a dristidigez,  
 Ran-galoun, anken,  
 Er bed-ma aliez,  
 A ve lod an den !      Laudate.

XXIII

Hor c'horf a ve flastret,  
 Gant ar c'hlenvejou,  
 Ha gant an drouk-speret,  
 Taget hon eneoù !      Laudate.

XXIV

Va c'halon 'zo skuizet,  
 Gant poaniou 'r bed-ma,  
 Mont d'an Env d'ho kuelet,  
 A garje brema !      Laudate.

XXV

Euruz en ho kichen,  
 Ni 'velo Jesus,  
 Ni 'gano da viken,  
 Mam drugarezuz !  
 Mam Doue, ô Guerc'hez, } bis.  
 C'hui 'zo hor c'harantez ! }

J. SALAUN.

IMPRIMATUR :

24 Juin 1881.

DU MARHALLAC'H.

Librairie J. SALAUN, à Quimper.

## ITROUN-VARIA KERDEVOT

Ton : Laudate Maria

I

Kanomp a vouez huel,  
 Mari, Mam Doue ;  
 Ni oll e Breiz-Izel,  
 'Zo he bugale.

DISKAN :

Mam Doue, ô Guerc'hez,  
 Bezit hor c'harantez. } bis.

II

Kaloun ar Vretounet,  
 Atao, a viskoas,  
 D'ho Mam muia karet,  
 'Zo bet digor bras !      Laudate.

III

Gant mein dantelezet,  
 Ho deuz hon tadou,  
 D'ar Verc'hez benniget,  
 Savet ilisou !      Laudate.

IV


Hogen 'n ilis kaera,  
 Euz a vro Gerne,  
 D'ann Itroun-Varia,  
 A zo enn Ergue !      Laudate.

V

Kerdevot eo hanvet,  
 Chapel burzudus,  
 Enhi e ve kavet,  
 Grasou Mam Jesus !      Laudate.

VI

Var lez ar prajeier,  
 Karget a vleuniou,  
 He sao huel ha kaër,  
 A ziouc'h ar c'hleuniou !      Laudate.



## VII

Ha dirag ar chapel,  
 He sao eur c'hoat bras,  
 Hag er feunteun santel,  
 He red dour a c'bras ! Laudate.

## VIII

Kerdevot benniget,  
 Lec'h c'houek d'ar pec'her,  
 A bell amzer choazet,  
 Gant Mam hor Zalver. Laudate.

## IX

Eno he teu bemde,  
 Ha gant fisians bras,  
 Da bedi Mam Doue,  
 Tud ann Ergue-Vras ! Laudate.

## X

O Mam drugarezuz,  
 Na kaera grasou,  
 Oc'h euz digant Jesus,  
 Bet d'hon eneoù ! Laudate.

## XI

It di da zaoulina,  
 Paour ha pinvidik,  
 D'ann Itroun Varia,  
 It tud reuseudik ! Laudate.

## XII

It holl, gant levezenez,  
 Den fur... pen diank,  
 Da bedi ar Verc'hez,  
 It koz ha yaouank ! Laudate.

## XIII

It tad, mam ha bugel,  
 It tud ann Arvor,  
 Divrec'h hor Mam santel,  
 Deoc'h holl zo digor ! Laudate.

## XIV

Piou c'helfe lavaret,  
 Niver ar grasou,  
 Dre ar Verc'hez skuillet,  
 Var hon eneoù ! Laudate.

## XV

Kaout a ra d'ar pec'her,  
 Distro var Doue,  
 Ha dirag he varner,  
 Truez d'he ene ! Laudate.

## XVI

D'an dall 'ro ar gullet,  
 Nerz d'an digaloun,  
 D'ar bouzar ar c'hlevet,  
 An Env d'an anaou ! Laudate.

## XVII

Soudardet Breiz-Izel,  
 Ken tom enn emgann,  
 A c'houlen he skoazel,  
 Pa ven kreis an tan ! Laudate.

## XVIII

Klevit ar martolod,  
 Pa dreuz ar mor doun,  
 O Itroun Kerdevot,  
 Pedit evid-oun ! Laudate.

## XIX

Kemper ha Sant-Yvi,  
 Ha kals paressiou,  
 A deu di da bedi,  
 Pa ve 'r pardonniou ! Laudate.

## XX

Elliant, Tourc'h ha Briec,  
 A deu aliez,  
 Gant tud Sant-Evarzec,  
 Da di ar Verc'hez ! Laudate.